

CARMINA ENGOMIASTICA.

Patronis & amicis quibusdam conscripta.

Dn. PHILIPPUM GRÜLINGIUM,  
Consulem & Medicum Stolber-  
gensem.

**H**ydram, Leonem, Cerberumque cum Caco  
Domuisse Vates fabulantur Alciden,  
Fixumque cœlo, prænitere Vicinum  
Septem Trionum Sideri ferunt Sidus.

Nugæ. Medendi gnara dextra GRÜLINGI  
Choro Medentum non negante, phæbea

In Arte Rosci, mille Corporum pestes  
Nifu Herculano sæpe vicit atque agris  
Venis fugavit, ac faventibus Fatis,

Cymba Charontis pharmacô salutari  
Pedes retraxit jam Migrantium Vitâ,  
Alter Mæchaon, alter Hercules verè.

Neq; artis ipse, publico bono natus,  
Arcana terris invidet, sed annorum  
Tot tamq; doctus, cognitasq; tam paucis  
Curas, laboresque illinit Senex Chartæ,

Chartæ eruditæ, jugiterque victuræ.  
Senex verendâ verticem nive sparsus  
Calamos inertes odit, & cedro dignis  
Scriptis, Medentes inter eminent Phæbus

Æquæva cælo præmia obtinet Famæ,  
Crescentem, Amice, grator indies laudem  
Dum, quæso & opto, pertinace gens dextra  
Consulta Ruris, Bartolum meum volver;

Tuzæ

CARMINA ENCOMIASTICA.

Tuaque cultor Artis aure Galeni  
Præcepta creber hauriet, tuum Nomen  
Tuasque laudes Orbe differant Docti.

Nepos Nepotum, ceu merere, GRÜLINGI  
Memori tabella (vota reppeto) partam  
Labore & Arte Gloriam memor scribat,

*Venerando Seni, Medico Experientissimo, Amico  
pl. dilecto, testandi Amoris ergo hæcæ li-  
neas apposuit. l. mg.*

Johannes Titius, D. Sac. Cæsar. Palat.  
Comes, Illustr. Comitis in Stolberg Can-  
cellarius Reip. Northusanz à Consiliis.  
d. 4. Martii, 1665.

**H**As Medicinarum Flores GRÜLINGIUS orsus  
Carpere, FROMANNUS multiplicare studet:  
Multiplicare studet Famam Medicina vicissim  
Amborum, laudes gratidicasq; dabit.

Johannes Michaëlis, Phil. & Med. D.  
P. P. Facult. Med. Lips. Decanus, Aca-  
demiz Senior & Archiater Saxo. Alten-  
burgicus.

**F**Loriferis ut Apes in saltibus omnia libant,  
Floribus & variis dulcia mella parant:  
Sic Tu, GRÜLINGI, Medicorum scripta per agras  
Maxima, & in summam colligis arte brevem,  
Naturæ vires scrutaris & optima monstras  
Pharmaca, queis refici languida vita queat.  
Hinc POLYANTHEIAM MEDICAM nunc mittis in Orbem,  
Cui Diva applaudit Doctus Apollo manu,  
Atq; ait: æternum vivat GRÜLINGIUS Orbi!  
Dignum laude virum scripta perire vitent!

Qui

CARMINA ENCOMIASTICA

Qui POLYANTHEIA certissima Pharmaca stipat,  
DÆDALIA perpetuo nunc vocitetur APIS!

Ita applaudebat ex animo

Albertus Günzelius Ecclesiarum per  
Comitatum Stolbergicum Superintendens.

DE  
FLORILEGIO

CL. DN. PHILIPPI GRÜLINGII, &c.  
ad Studiosam Rei medicinalis juventutem,

**H**em! Quid tot Celsi, Paracelsi totq; Galeni,  
Aut Arabum medicas quaris anhelus opes?  
Hartmanni, Crolli, Sale quot Pharmaca cogis?  
Sulphur, & Unceri, Mercuriiq; tomos?  
Et tam multorum relegis secreta Sophorum,

Pluraq; qua nodus Gordius implicuit?  
Et tanto numero que sunt selecta probata  
Tutaq; GRÜLINGI nunc MEDICINA tenet:

Qua cur non pleno dicatur Copia cornu  
Effundens lymphas limpidioris aquae?  
Hoc honoris & amoris ergo vorum accinie

Christophorus Kellinge / M. D.  
& Physicus ordinarius Islebienfis.

IN  
FLORILEGIUM.

HIPPOCRATEO-GALENO-CHYMICUM

VIRI FAMA ET MERITIS EXIMI;

DN. PHILIPPI GRÜLINGII, &c.

tertia & auctioris editionis.

**Q**uid non GRÜLINGUS præstat? langventibus ægris  
Non solum medicam fert bene doctus opem? Invi-

CARMINA ENCOMIASTICA.

Invidiæ purus sed doctor *Pharmaca* monstrat,  
 Quæ bona *Celsus* habet, quæ *Paracelsus* habet;  
*Ipsæq;* quæ reperit *præstantia*, quæq; reperta  
 Sunt aliis, *velo Sphynx* opera tamen.  
 Hæc aperit, traditq; *modum*, quo quodque parari  
*Innocuum* scitâ *dexteritate* queat;  
*Cautelisq;* monet, se sit *temerarius usus*.  
 Usû quippe *malo fit medicina malum*.  
 Indeq; *Pegaseo* notum super æthera *curru*  
 Nunc magis atque magis *Fama corusca* vehit.  
 Et qui *GRULINGI* *medicamina* negligit excors  
 In soleis cerebrum possidet ille suum.  
 Vivat *GRULINGUS*, decus *immortale Medentum!*  
 De vitâ *meritum vivere*, *JOVA*, jube!

*Veteris Amicitia ergò f.*

M. Nicolaus Gothus, P. C. L.

Ἐγκωμιαστικόν.

**H**Aut minor *Medicas Artes* mirariet omni  
 Ab ævo in ævum *Mentium* clarissimas  
 Quosq; suo sparfit *Pallas* sale, Coa *frequentes*  
 Adire *plantis* impigris *Collegia*.  
 Quid quæso, quid non *Medici* manus *entheæ* præstat?  
 Metallâ solvit *Ignibus*, non *ignibus*.  
 Hinc opera *artifici* *Salia* extrahit, elicit inde  
 Ægris *salubrem Spiritum* mortalibus,  
 Tanquam ungues *digitosq;* suos *cujuslibet herbæ*  
 Novitq; *vires*, & *peritè* edisserit.  
 Viribus exuto *solidis fractoq;* dolore  
 Solem propinat, igne mirò *liquidum*,  
 Et cymba, nî *Fata* vetent, *revocare Charontis*  
 Pedes *medendo* nititur, *jaçantium*.  
 Hinc *Vatum veterum* *commento* *Alcestida* fertur  
 Revocasse in *auras* *Herculanæ* *vis* manus,

Medæa

CARMINA ENCOMIASTICA.

Medea Aſoniis vires reparâſſe lacertis,  
 Vires Juventæ; vivit Aſculapii  
 Virbius auxilio; Medicæ Doſis eripit Artis,  
 Deo volente, fauce non raro necis.  
 Hæc reficit morbo viduatam robore Corpus,  
 Gradusq; lethi præpetes ſufflaminat.  
 Hæc nomen famamq; parit, qua claruit olim  
 Apollo doctus filiusq; Apollinis,  
 Pæona quis neſcit? Nec ſolum antiquius ævum  
 Machaonasq; Chironasq; protulit,  
 Noſtra etiam Medicos ætas dedit Arte ſecundos  
 Nulli brabeo Fama quam maſtat memor.  
 Sennertos Witteberga ſuos, Philyræa Michales,  
 Salana laudat Mævios, Conringios  
 Elmus laureola ſemper viridante coronat,  
 Multoq; plures Terra jaſtat Teutona.  
 En tibi, quam volvis, Medicum Par nobile ſiſtit,  
 Sophum probata mille punctis Pagina.  
 E Medico primum prato Grilingia Flores  
 Legit legendos, pertinax Industria,  
 Cujus Muſa, Viri laudem Fide, Carmine, Plectro  
 Aquare neſcit, languidæ potens Lyra,  
 Id ſtudio vigilante novis Opus Incrementis  
 Fromannus auxit, Ille in Arte Roſcius  
 Pæonia, multo qui non ſine murmure Momi  
 Tantum medentes inter extulit Caput,  
 Quantum inter coryſas pinus celſiſſima, quantum  
 Inter minora Noſiluca fidera.  
 Quaq; via quaq; Arte fugax revocetur Hygeia,  
 Votâ vel ipſâ Saniori charior,  
 Quæ Decocta; Extracta ſevent ſolvanq; dolores,  
 Peſtesq; morbi diſſipent multiplicis,  
 Parvo hæc venalis pretio tibi Pagina, Lector,  
 Id luculenter eruditeq; expedir.  
 Cujus edit Tabes artus, quem Calculus urit,  
 Quem Crudelitates, aut Catarrhi prægravant,  
 Quem lateris dolor affligit, quem querquera Febris  
 Quatit cognitq;, quem Podagra lancinat,

(Et

## CARMINA ENCOMIASTICĀ,

(Et numero quis morborum genera omnia claudat?)

Certam Medelam repperit & Anodynon.  
Annon hic Sosis mereat Liber æra? Merebit  
Latosq; tractus transvolabit æquoris,  
Scriptorisq; sui. fama subvecta quadrigis,  
Venturum in ævum prorogabit Nomina  
Dignis ma&tabit Titulis, monumentaq; Laudum  
Certus per omnes orbis oras exiget,  
Quæ non dejiciat ferventibus Æolus au&tris,  
Aut fulminante dextera Diespiter  
Inprimis Opifer vulgò dicaris Apollo  
Fromanne, Princeps gentis Æsculapiz,  
Vivas! Et Medicis curis quæ&ta perennet,  
Æquæva cælo Fama, terris didita.  
Vivas, nec vitis nostris te tollat iniqua,  
Vovemus, aura, Patrii Jubar Soli!

*Honoris & Officii ergò deprop.*

*M. Fridericus Hildebrandus, Sch., North. Rector.*

### *Ad Chariss. Dominum Parentem.*

Quamvis non omnes medicina repellere morbos  
Possit, cum gravius sæpè sit arte malum.  
Non tamen in nullo pretio est, parvique putanda;  
Cum domum summi sit speciale DEI,  
Vim dedit hic gemmis, plantis, radicibus, herbis,  
Robore sanandi nulla metalla carent,  
Hinc qui naturæ secreta latentia quærit,  
Dignus, ut assiduâ laude vehatur, erit.  
Ergo reportabis, PATER optime, laudis honorem,  
Quod medicæ studio suscipis artis opus,  
Hactenus & vigili quæ sunt collecta labore,  
Chalcographos curas commemorare typis.  
Perge modo varias sanandi quæ&re normas,  
Perge, nec inceptum desere lassus itor.  
Nam tua sic trades victuris nomina chartis,  
Et decus à sera posteritate feres.

*Philippus Gerh. Grülingius, Medicinæ Practicus.*

INDEX